

лукініла стильти белгидирниличи, лугъатуначила имціали тлінтілти баянти дурчниличи дурхінала пикри битіакіні кјулайсилизи халбирули саби.

Ишди программабани халаси пикри бяхічиули саби практический хіянчурбачи, чузирра вархъли лукініла, гъайикініла, багълабирнила ишараби кадалтніла масъулти имціали мурхъли ва гъатіура чедетаахъили ирзути.

Программабала гъарил тема клел бутіализибад цалабикибси саби. Цаибил бутіализиб чебаахъили саби, делчунтира цазаманализир тикрардирули, теориялашалти багъудлуми мурхъдарес ва тлінтілдарес. Кіибибл бутіализиб практикалалашалти устадеш чеахъдикілахъес ибси масъала тлашбалтули саби.

Чидни-биалпра темаби кјуяндулхъули диалли тикрардирнилис чедаахъибти сягјатуни учительлис кјуяндулхъути темабас яра белкіла хіянчурбас пайдаладарес вирар.

Тяп илкъяйда учительла ихтиярлизир далтути сари 11 ибил класслизирра тикрардирнилис чедаахъибти сягјатуни.

Учительлизиб ихтияр лебси саби бучіантани ца тема гъамадли иргъули биалли, илис чедаахъибти сягјатуни камдарили, цархілти имціали кјуяндулхъути темабас харждарес.

Белчудила план хіясибли, дарган мезлис ва литературалис чедаахъибти сягјатуни ишкъяйда дуртіу :

Классуни	Жумяглізир сягјатуни	Дарган мезлис	Литературалис
5	4	2	2
6	4	2	2
7	4	2	2
8	4	2	2
9	4	2	2
10	3	1	2
11	3	1	2

Ишди программаби бегі гъалар дурадухъунтири 1992 ибил дуслизир. Кам-гъамти дарсдешуначил гъанна сагадан (хіяйнайс) кадяхъибти сари.